



34 BULETINA

Red de Acogida Ciudadana / Hiritarron Harrera-Sarea

2020ko maiatzaren 31, igandea

ELKARTASUN EREDU EDERRA

Joan den asteazkenean, hilak 27, bostehun pertsona inguruk giza kate solidario bat antolatu genuen Donostian. Ezin izan genizkion elkarri eskuak hartu bi metroko distantzia mantentzeagatik. Irribarreak ere ezin izan genituen trukatu, maskarek eragotzita. Begiradek, ordea, dena esaten zuten.

Katean, eta buru zirela, jenderik gabe dauden eraikinetan bizi diren eta pankartak egiteaz arduratu ziren gazte asko, baita Zarauzko, La Sirenako, Ubako eta Atanoko aterpetxeetatik etorritako beste batzuk ere. Oriokoek ezin izan zuten egin, baimenik lortu ez zutelako.

Hor egon zen gizarte honen zati bat, bidegabekeriaren aurrean, pertsona behartsuenei ematen zaien tratu desorekatuaren aurrean errebelatzen dena. Eta, sare sozialen bidez edo boluntario gisa elkarlanean arituz, pertsona horien egoera zailak jarraitu ondoren, huraxe zen "hemen gaude!" esateko unea. Gure kasuan, prest gaude esateko ez dugula inor atzean utziko!

Ekintza horrek gure *ez itzazue kaleratu!* exigentzia agerian utzi zuen eta aurretik bide luzea duen aldarrikapen honetan animoak eman eta hartzeko unea izan zen. Era berean, behin eta berriz adierazi ziguten ilusio-txute bat izan zela askoren axolagabetasun edo etsaikeriara ohituta dauden gazte horientzat. Bertan hainbesteko babesa ikusteak hunkitu egin zituen.

Beraz, eskerrik asko mobilizazio horretan parte hartu duzuenoi, eta anima zaitezte sortzen diren ekimenetan parte hartzen jarraitzera.

TXANPONAREN BESTE ALDEA

Hurrengo egunean, Donostiako udalbatzarrean, aurkeztu genuen mozioaren aldarrikapenak eztabaidatu zituzten. Ezer berririk ez zerupean.

EAJ pozik agertu zen gaitutako baliabideekin, berriro esan zuen behar guztiak estaltzen dituztela, baliabiderik jartzen ez duten herriak kritikatu zituen, gaitutako baliabideek sortzen duten "dei efektua" atera zuen berriro, eta gure aldarrikapenak babesten dituzten indar politikoei aurpegiratu zien egoera nahasiaz baliatzea etekin politikoa ateratzeko asmoz.

PSE ixilik.

PPk aporofobia planteamendu baten aurreiritzi komunak zabaldu zituen, eta kalean "mikzionatzen" duenari (asko gustatzen omen zaio hainbat aldiz errepikatu duen termino hori), bazterretan koltxoia uzten dituenari, zaborra botatzen duenari eta hainbat liskar eragiten dituenari ez laguntzea proposatu zuen. Edonork pentsa lezake uda osoan zehar gure herriek ospatzen dituzten jai ugarietan gizalegearen aurkako horrelako jarrerak dauzkaten milaka gazteri buruz ari zela. Baina ez, haien obsesioa etxerik gabeko pertsona horienganakoa zen. Adierazgarria.

Jakina, mozioa atzera bota zuten.

Bitxia da EAJren jarrera (PSE isilik geratzen da jarrera antisozial horiei bere abala asko nabaritu ez dakien ahaleginean). Oro har, bere diskurtsoak enpatia handia du egoera ahulenean dauden



34 BULETINA

Red de Acogida Ciudadana / Hiritarron Harrera-Sarea

sektoreen beharrianekiko. Baliabide ugari zabaltzen ditu, bai udal, foru zein Eusko Jaurlaritzaren alorretan. Baina bere lehentasun politiko eta beldurrek traizionatzen dute.

Bere lelo nagusia, berriz ere osoko bilkurara eraman zuena: Donostiako kaleetan ez zegoen jende asko etorri da beste udalerrri batzuetatik. Eta egia da. Ziur aski kopuru esanguratsua da.

Baina horrek ez ditu erakundeak pertsona horien ardura hartzetik salbuesten. Ez dira ping pong pilotak, alboko herrietara errebotatzeko modukoak. Eta badirudi erakundeak arrotz zaizkiela elkarri, are harrigarriagoa hiriburuetako alkatetzak, foru gobernuak eta gobernu autonomikoa alderdi berberen esku daudenean. Gauzak horrela, logikoena den tokian pertsona horiei irteera emateko ardura dute. Baina ez ditzatela eskuak garbitu, hori koronabirusarentzat baita. Behin eta berriz eskatzen ari gara gainera erakundeak maila guztietan inplikatzeari.

Argi dago erakunde gehienek ondo barneratuta dutela "dei efektuaren" beldurrarena. "Ondo tratatzen badituzu, gehiago etorriko dira". Baina, jakina, esaten badiezu, "orduan, gaizki tratatu behar al ditugu? Ez, ez, jainkoagatik ..." Tratu ona eman iezazue erantzukizuna duzun gainerako lekuetan, eta horrela ez dira etorriko. Eta, adibide hori, gainerako alderdiei ere erakuts diezaiekezu.

Mundu guztiari kasu egiten diotelako hori, errealitateak gezurtatzen du egunero. Baina, azken finean, ikusi nahi ez duena bainoitsuagorik ez dago. Dauden sare desberdinek artatutako ehunka pertsonen zerbait birtuala dirudite. Abandonatutako eraikinetan dagoen jendea (gizarte zerbitzuek partzialki artatzen duena eta poliziak maiz bisitatzen duena) ere asmakizun bat omen da.

Eta, oso garrantzitsua, **dagoeneko erabaki dute ekainaren 22an baliabideetan dagoen jende guztia kanporatuko dutela** eta batzuei (ez dakigu ez zenbati ez zeini ere) bizileku-baliabideren bat eskainiko dietela.

Ekarpen solidarioa

Aste honetan Sareak elikagaiak eman dizkie 125 norbanakori eta 17 familiari, guztira 195 pertsonari.

Diru-ekarpen solidarioa. 202 ekarpenek batutako diru-sarrerak guztira **15.625 €**-koak izan dira. **Gastuek 16.425 €** batzen dituzte eta saldoa **-704,74 €**-koa da. Ikus daitekeenez **argi gorria piztu da**. SOS Arrazakeriak Gipuzkoa Solidarioaren ezohiko deialdian aurkeztu zuen proiektuaren bitartezko funts bat dugu oraindik. Baina, dena bukatzen denez, garrantzitsua da ekarpen solidarioak edukitzen jarraitzea

Donostiako Hiritarron Harrera Sarea / Red de Acogida Ciudadana de Donostia

Kontaktua: redacogidaciudadana@gmail.com 675 71 53 15

Facebook: @HiritarronHarreraSarea Instagram: @harrerasarea

Youtube: <https://youtu.be/yzK4tkf8Ot8>

Dohaintzak: k.k. ES44 2095 5013 70 9119577666

Beste buletinak kontsultatu nahi izanez gero, hemen dituzu:

<http://www.mugak.eu/news/covid-19-boletines-diarios-de-la-red-ciudadana-de-acogida>

<https://www.gipuzkoasolidarioa.info/hiritarron-harrera-sarrera>